

**«Ақтөбе облысының білім басқармасы Байғанин ауданының білім бөлімі»
мемлекеттік мекемесінің «Бұлақтыкөл орта мектебі» коммуналдық
мемлекеттік мекемесінің кезектен тыс қамқоршылық кеңесінің
№4 хаттамасы**

02-маусым 2025 ж.

Қатысқандар саны - 7 адам

Шақырылғандар: -12 (өзін-өзі бағалау комиссия мүшелері)

КҮН ТӘРТІБІ

1.«Бұлақтыкөл орта мектебінің» КММ директоры О.А.Атангариннің мектепте өзін - өзі бағалау жұмысын жүргізу қорытындысы туралы есебін тыңдау.

ТЫҢДАЛДЫ:

1. Г.Ш.Смагулова - қамқоршылық кеңесінің төрайымы

Бүгінгі күн тәртібіне қойылған мәселе бойынша таныстырып, Бұлақтыкөл орта мектебінде 2025 жылдың 21 мамырынан – 16 маусым аралығында өзін-өзі бағалау жұмысы жүргізілгенін атап өтті. Мектебіміздің өзін-өзі бағалау нәтижелерімен таныстыруға сөзді мектеп директоры О.А.Атангаринге берді.

СӨЙЛЕУШІ:

О.А.Атангарин -өзін-өзі бағалау комиссиясының төрағасы, мектеп директоры

Қазақстан Республикасы Оқу-ағарту министрінің 2022 жылғы 5 желтоқсандағы «Білім беру ұйымдарын бағалау өлшемшарттарын бекіту туралы» № 486 бұйрығының 2- тарау 3-тармағының 1,2- тармақшаларына сәйкес мектебімізде кезектен тыс өткізілген №7 кіші педагогикалық кеңесінің шешімімен 2025 жылдың 21 мамырынан – 16 маусым аралығы өзін-өзі бағалау кезеңі деп танылып, өзін-өзі бағалау жүргізу үшін жоспар құрылды. Жоспарға сәйкес комиссия құрамы бекітіліп, комиссия мүшелері арасына тапсырмалар бөлініп берілді. Өзін-өзі бағалау кезінде білім беру қызметіндегі нормативтік –құқықтық актілермен жеке қолданыстағы құқықтық актілер зерделенді. Мектепке дейінгі оқыту мен тәрбиелеудің жалпы білім беретін оқу бағдарламаларын іске асыратын білім беру ұйымдарының қызметін бағалауға арналған өлшем шарттарына сәйкес бағалау парағы толтырылып, білім беру қызметтерін көрсету сапасына **«жақсы»** деген қорытынды берілді. *(слайдпен бағалау парағы көрсетілді)* Мектебіміздің қызметіне өзін-өзі бағалау барысында педагог кадрлардың тиісті бейінін анықтайтын құжаттарының үлесі, біліктілік санаттары бойынша үлес пайызы, біліктілігін арттыру курстарынан өткен педагогтердің үлесі, мемлекеттік тіркеу тізіліміне сәйкес жабдықтармен және жиһазбен жарақтандырылуымыз, оқу-әдістемелік кешендермен қамтамасыз етуіміз сәйкестігі бағаланды. Мектебіміздің педагогтары мен 4-9 класс білім алушыларының ата-аналарынан және мектеп алды даярлық класының тәрбиеленушілердің дайындық деңгейіне ата-аналардың пікірін білу үшін, сапалы оқыту мен тәрбиелеу үшін жағдайдың жасалу деңгейін анықтау үшін педагогтерден онлайн сауалнамалар алынды. Сонымен қатар, білім, білік және дағды сапасын бағалау үшін 4,9 класс оқушыларынан онлайн форматында тест алынды. Бастауыш, негізгі орта және жалпы орта жалпы білім беретін оқу бағдарламаларын іске асыратын білім беру ұйымдарының қызметін бағалауға

арналған өлшемшарттарына сәйкес жоғарыдағы көрсетілген мазмұнда бағалау парағы толтырылып, білім беру қызметтерін көрсету сапасына «үздік» деген қорытынды берілді. (слайдпен бағалау парағы көрсетілді).

Қамқоршылық кеңесінің мүшесі Ж.Айдыновқа мектеп қызметіне жүргізілген өзін-өзі бағалау жұмыстарына қанағаттанатынын, «Мектепте соңғы үлгідегі Сенсорлық тақталардың жоқтығын сөзге тиек етті», сонымен қатар магистрлер санын арттыру керек екенін ескертті.

Мектеп директоры О.Атангарин қойылған ескертулер бойынша Ж.Айдыновқа 2025 жылдың бюджет жоспарында 2-сенсорлық тақта алуды жоспарлап отырғандығын айтты.

Қамқоршылық кеңесінің төрайымы Г.Смагулова өзін-өзі бағалау жұмыстарына берілген қорытындысын қолдайтындығын атап өтті.

Күн тәртібіне қойылған мәселе толық тыңдалып, талқыланып

ШЕШІМ ЕТТІ:

1. Мектеп басшысының өзін-өзі бағалау жөніндегі есебінің нәтижелері «жақсы» деп бағалансын.
2. «Бұлақтыкөл орта мектебі» КММ-нің өзін-өзі бағалау жұмысының қорытынды анықтамасы мектептің интернет-ресурсында уақытылы жариялансын.
3. Қамқоршылық кеңесінің шешімі мектептің интернет-ресурсында жариялансын.

Кеңес төрайымы:




Смагулова Г

Хатшы:



Сатыбалдина Н

Кеңес мүшелері:



Айдынов Ж

Абдрахманов А

Муханова Ғ

Жұбанова Н

Муханбедиярова А

Аюп Б